

logos dico, vt præterita sinamus effluere: nihil me posthac sine ipsorum consilio facturum. Libenter hæc audit, & tali animo gratulatur. Vt Guiancurtium alloquar, rogat. Colloquimur. & illi bono viro placet consilium: tranquilla sic fore omnia pollicetur. se literas ad Theologos perlaturum humanus & officiosus vir recipit. Literas enim à me captabat, quibus me haberent obnoxium, vt nihil esset articulorum prolatione opus. Ego verò ex eius aucupio elabi cupiens, me iam scripsisse fingo. Ambo aulã accedunt. Rumor est Regẽ iussisse R. Stephano mille & quingetos aureos ad sarcieda quæ perpessus fuerat dãna numerari. Quas tunc turbas excitarunt? impijs dari præmia ad male agendũ: ad eadẽ patrãda, huiusmodi præmijs similes inuitari. Efficiunt tandẽ suis clamoribus quod cupiebã (verè hoc dicam, liberũ semper fuit ingenium, pecunijs nunquam inseruiui, laboribus asuefactus à Domino, vt avis ad volatũ) vt nullæ dentur pecuniæ. Annuit Rex: pollicetur tamen maiori in re se fore erga me munificum ac liberalẽ. Ego verò gratis actis, tãtum rogo vt me ab aduersarijs tueatur, id mihi omnibus pe-